

# سفر دی رات

تکھیاں تے مٹھیاں نظاں  
انعام پون والی کتاب

مینیر نیازی

مکتبہ میری لائبریری

891.421

MON - S

مجید امجد  
نے ناں

محمد حقوق دانی بچی مصنف محفوظ

ناشر: بشیر احمد چودھری  
ڈائریکٹر مکتبہ میری لائبریری لاہور

طابع: مکتبہ میری لائبریری لاہور

میری لائبریری میں شروع ادب کی دوسری کتابیں

ابو الکلام آزاد

غبارِ غفلت

دیوان غالب اردو مع انتخابِ حسرت موہانی

مرتب: سید فیر الحسن عابدی

دیوان غالب فارسی

مرتب: محمد خاں اشرف، حسرت موہانی

دیوان ولی

مرتب: فراق گوہر پوری، حسرت موہانی

دیوان مصطفیٰ

مرتب: ڈاکٹر وحید قریشی، حسرت موہانی

دیوان آتش

مرتب: محمد حسن عسکری، حسرت موہانی

دیوانِ جرات

مرتب: سید اختر عباس

انتخابِ غالب

مرتب: محمد خاں اشرف

ولی، تحقیقی و تنقیدی مطالعہ

ڈاکٹر سہیل بخاری

ناول نگاری

عابد علی عابد

تنقیدی مضامین

ڈاکٹر وحید قریشی

اُردو کا بہترین نثری ادب

ڈاکٹر سلام سندیلوی

ادب کا تنقیدی مطالعہ

احمد حسین قریشی

پنجابی ادب کی مختصر تاریخ

شریف صابر

ہنگوے

اشفاق احمد

ٹاپلی دے قلم

دلشاد کلانچوی

غالب دیاں غزلاں

انیس ناگی

تنقیدِ شعر

سید زوار حسین زیدی

اُردو شاعروں کا الہم

سید زوار حسین زیدی

مصنفینِ اردو

## فہرست

پہلا پتہ

اک کچی بات

موت دی آواز

پت جھڑ دی شام

پہلے بدل دی رات

شہر دی ٹوٹی

لو دے ہتھ

کچھ کرو

میں

رستے

ہونی دے چیلے

اک اُجاڑ شہر

فراق دی اک رات

اپنے آپ نال گلاں

سفر دی رات

سوچن دی سزا

سویر دیلے

تیرا چلتر

اک کڑوی

۸  
۹  
۱۰  
۱۱  
۱۲  
۱۳  
۱۴  
۱۵  
۱۶  
۱۷  
۱۸  
۱۹  
۲۰  
۲۱  
۲۲  
۲۳  
۲۴  
۲۵  
۲۶

## پہلا پڑا

ایں کتاب دادیہا چہ لکھی نون میرا حمد نہیں پیندا۔ اک شاعری، دو بے میزوی تے تیجے میری گنت  
جنون عقیدہ پرچہ الہا واناں گونیش آوندا — جے میں کدھرے انہاں نکلن نون کس کے اپنی موہنت نہ  
ہوندی تے ایہہ بکایرے گل نہ پیندی۔

سچیں! میزویاں نکلن بلانواں نہیں جیڑیاں سبز و دہراں تے اوصیاں راتاں پرچہ پستے ٹوہیاں  
تون نکل کے کلیاں راہیاں نون ڈرانڈیاں نہیں تے نال ای اوہناں دے دلاں پرچہ دس دیاں بانڈیاں نہیں  
جتناں جتناں راہی اگے وودھا اے اوناں ای اوہا دھیاں پشاش مڑوا اے۔ جتناں ڈر گھلا اے  
اوناں ای سواد آوندا لے۔

اصل پرچہ میزوی شاعری اک رت اے، اک سہا لے، اک شہر اے، تے شہر پرچہ دس والی تیار  
تے اوہا بلی اے۔ ایہہ بلی شاعر آپ اسے جیڑا رت تے سے دیشیشہ اپنیاں تاجنگاں لے سونج  
اگے پھرت دے دے کے شکارے ماردا اے۔ اسیں ترہک ترہک جانے آں۔ ایہہ اوہر دیکھنے آں۔  
پر سافن آدہ آسمان تیکر "سرج لیٹاں" بنیاں ای دس دیاں نہیں۔ نہ توپ لہو دی اے ناں ہوائی جہاز!  
بھلے دیاں دی گل اے سافن نالی ہوری جتناں بھوتاں دیاں باتاں سناشے ہونڈے سن  
تے اسیں بتریاں پرچہ چھلپے ہوئے کنڈے رہندے ساں۔ فیہر جیڑے ویٹے آئے آہتے ہوری  
اخبارے کے برما۔ اغفال تے العالمین دیاں خبراں ستان لگ پستے۔ اسیں روزے کرناڈے  
بھائی جان لئی دما کر دے رہتے جیڑے کشن لے کے برافرٹ تے گئے ہوئے سن فیہر اک ہور دیا  
آیا، نہ چنگا نہ میڑا، تانی ہوری گور گئے تے آہتے ہوری شید ہو گئے۔ ایہہ آکے ساڈے دیاہ  
ہو گئے نے گرمیاں دیاں راتاں نون کا کے کس گئے؟ اتی سافن کوئی بات سنا!

بھلیاں ریلیں دے قستے بھوٹے سن تے بھیراں سبیاں دیاں گلاں کوڑیاں سن۔ اسیں  
کیڑے ہاسے جانڈے؟ اسیں ہر پاسے گئے پر کوئی گل نہ بنی۔ ایسے پرچہ جیڑے نکلن لندیاں

۲۷	چین لئی جن
۲۸	سورج سامنے بند اکھاں دچ
۲۹	سُن
۳۰	کل دی گل
۳۱	وحشی عورت
۳۳	دوہرہ
۳۴	سیدھی جٹی گل
۳۵	پٹھیاں، جیباں سوچاں
۳۶	گلیاں ہوئیاں چیزاں
۳۷	شہر دے مکان
۳۸	اک بہت پرانا گیت
۴۰	نویں رت
۴۱	پچیاں درگیاں حرکتاں
۴۲	اک موقع تے
۴۳	گیت
۴۴	جگل دے جادو
۴۶	ہواناں لکھاں
۴۷	جدوں جگل دچ ہوو
۴۸	میرا اصل وجود
۴۹	پُراںیاں گلیاں
۵۰	اللہ دی مخلوق
۵۱	اک بہادر دی موت
۶۲	میرنازی دی شاعری بارے



# اک پکی رات

گھر دیاں کندھاں اُتے دِسن چھٹاں لال پھواریاں  
ادھی راتی بوسے کھڑکن ڈیناں چکیاں مار دیاں  
سب دُنی شوکر گونجے جیویں گلاں گھبے پیار دیاں

ایدھر اودھر لگ لگ سہن شکلاں شہروں پار دیاں  
روحاں دانگوں کولوں لنگھن مکاں باسی ہار دیاں  
قبرستان دے بستے دِسن کوکاں پیرے وار دیاں

شروع کر دیتاں۔ انہاں نقلاں دِج اودھ سب کش سی بیڑا ہر ویلے تے پُر اتر داسے۔ تے جبرمی ہر  
ویلے نوں ضرورت اسے۔

جیڑے نوکین ایہ کندھے نیں بئی بیڑی شامی چتاں بھوتاں تے چڑیاں چلیڈیاں دی شامی  
اے۔ اودھیاں تے کے کپکس دا شکار نیں، یاں اودھ تانی ہوراں دے ویلے دے نیں، میڑی  
شامی دِج ایتے ہوراں دے اخبار توں لے کے ساڈے کا کتے اودھ ہی ہون والی رنگ دے  
"راکٹ یک اپ" ویلے پیکر دیاں گلاں نیں۔ اے ضرور اسے پئی اودھ لے گل کہن دا انگ دکھائے  
اودھ غم ہاناں یا غم دوراں نوں سدھاناں لے کے نیں بلاندا۔ چڑیاں، جادو گرینیاں، اپنیاں تے  
بھوتنیاں کہ کے سدا اے۔ میری بھو دِج شامی تے شامو دا وڈھا کمال ایہیہ رمز اے۔  
نیں تے کھری دے چوہا جیڑے سدھاناں لے کے واج مار دے نیں سب توں دُشے شام بوندے  
ساڈے پنجابی شامو دا دیہار ہو گیا اے پئی مٹینے گراں دی بولی تے اوکے پنجابی لفظ لہجہ  
کے اپنی کویتا دِج کھاندے نیں تے اینوں اپنا کمال سمجھ دے نیں۔ میڑے کھڑیا اودھناں توں مڑکے یا  
جان کے اپنی دکھری راہ بنان لئی۔ انہاں نقلاں دِج کھرے کھرے اُردو، ہندی تے فارسی دے لہجے  
جیسے لفظ دی ورتے نیں جتاں دی قساں پنجابی دے سوکے تے سٹے لفظ دے ہاسکے سُن پڑے  
نیں ایہیہ دِج کی جیت اے۔ پر کوئی جیت ہے ضرور!

خیر! بھانویں کوئی لگ ہووے ایہ سکتے بناں رہیا نیں جاند اپنی قادریا توں لے کے ایہ ویلے  
خیر جے کھرے پنجابی شامی نے کوئی نوں تجربہ کیا اے تے اودھ میڑے دے ویلے تے ہی کیتاے۔

بالو قدسیہ

## موت دی آواز

اک پُرانا جنگل سی تے کالی شام دا ویلا  
اوہدے کوں لنگھیاں مینوں عجب آوازہ آیا  
کے نے میراناں لے کے مینوں اپنے ول بلایا

انج لگا جیویں پہلے وی یں ایہہ آواز سُنی اے  
چھوٹیاں ہندیاں سفنے وچ یاں اوہناں مکاناں اندر  
جہاں ج رات آن دی اے جیویں موت مساناں اندر

## پت جھڑی شام

واچتے تے گھر وچ بیٹھیاں کڑیاں دا جی دُردا اے  
اُچیاں اُچیاں رُکھاں ہیٹھاں پتیاں اُردی اے  
لمیاں بُنجیاں گھیاں لے وچ سوج ہو کے بھردا اے

اپنے ویلے توں وی پہلے تارے ٹمکن لگے نیں،  
گھُپ ہنیریاں سوچاں اندر دکھ دے ویلے جگے نیں

دریاواں تے ڈھلے دن دا پرچھانواں پیا تر دا اے  
ایس ویلے تے پتھراں دا وی جی روون نوں کر دا اے

## پہلے بدل دی رات

ترنیاں زہری سپ دے دانگوں بجلی دا شکار  
کالا بدل گرجن لگا جیویں کوئی نگارا

رنگ برنگیاں باریاں اوہلے جاگن والیاں گڑیاں  
وادی ڈونگھی شوکر سن کے ڈردیاں پچھے مڑیاں

لمیاں منزلاں دے راہی ہُن بھن گے اوہ تھانواں  
اج تک جنہاں چ کدے نہ پھریا آدمی دا پرچھانواں

## شہر دی کڑی

بلاں اُتے سُرخِ مل کے  
کوٹھے اپر چڑھدی اے  
وحشیاں دانگوں رنگ برنگے  
فلمی پرچے پڑھدی اے  
وچوں وچوں چور اکھاں نال  
پوڑیاں ول وی تکی دی اے  
نویں دیائی دوہٹی دانگوں  
لوکاں کوہوں جھکدی اے

سدھیاں سدھیاں چیزاں داوی  
پٹھا مطلب لیندی اے  
گلیاں بہہ کے گندیاں گندیاں  
گلاں سوچدی رہندی اے



## لہو والے ہتھ

اجدوں دا اوس دا ویاہ ہو یا اے  
 آج اوہ مڑ کے آئی اے  
 جیویں کوئی وچھڑی رُوح  
 اسمانون اُڑ کے آئی اے

شاماں ویلے سب توں لگ کے  
 دروازے ول آندی اے  
 لکھ سمجھاؤ "فیر کی ہو یا"  
 فیروی روندی جاندی اے  
 روندیاں روندیاں چم دے پچھوں  
 رنگے ہتھ دی خاندی اے

## کچھ کرو

بہرتے گھپ بہرتے دھرتی اُتے کال  
 پیریں کنڈے زہرے لہو وچ بہجے وال  
 جتن کرو کچھ دوستو، توڑو موت دا جال

پھڑ مڑلی اوٹے رانجھیا، کڈھ کوئی پتھری تان  
 مار کوئی تیر اوٹے مرزیا، کھج کے دل آسان



## میں

کالیاں گھپ ہنیریاں اکھ وچ لگ دی لو  
گرمی سردی قسم دی پھٹاں دی خوشبو  
شکلاں رنگ برنگیاں بسنگھدیاں جان کھلو

آندے جاندے رہن گے ایہہ موسم ایہہ لوک  
وگدی وادی بسہ نوں کوئی نہ سکداروک

نس نیں سکد ایس توں ایوای اے تقدیر  
فیر ایہہ گلاں سوچ کے کیوں ہوں نواں دلگیر

دہم نہ رکھیا جان داناں دُنیا دا غم  
منکر نہ فاقہ ہو رداتے کلم کلام

## رستے

ایہہ رستے ایہہ لے رستے  
کیڑے پائے جاندے نیں  
بوہت پُرانے محلاں اندر  
دچھڑے یار ملاندے نیں  
اُچیاں ڈونگھیاں جنگلاں اندر  
شیراں وانگ ڈراندے نیں  
یاں فیر ایویں کھم کھماکے  
واپس موڑ لیاندے نیں

## ہونی دے ریلے

کس دا دوش سی کس دانئیں سی  
ایہہ گلّاں ہُن کرن دیاں نہیں  
ویلے لنگھ گئے توبہ والے  
راتاں ہو کے بھرن دیاں نہیں

جو ہو یا ایہہ ہوتا انی سی  
تے ہونی روکیاں رُکدی نہیں  
اک واری جدوں شروع ہو جاوے  
گل فیر اینویں مُکدی نہیں  
کجھ اُنچ وی راہواں اوکھیاں سُن  
کجھ گل وچ غم دا طوق وی سی  
کجھ شہرے لوک وی ظالم سُن  
کجھ مینوں مرن دا شق وی سی

## اک اُچار شہر

ساڑے لوکی ٹُگئے لے گئی نال قضا  
گلیاں ہو کے بھر دیاں روندی چھپے ہوا  
کنڈھاں سُنج مُسبجیاں کوٹھے وانگ بکلا  
گوکاں دین حویلیاں ساڈے ول نہ آ  
اُجرے پئے مدان وچ بادشاواں دے رتھ  
قبراں دے وچ سوں گئے ہندیاں والے ہتھ

# فراق دی اک رات

لمی رات فراق دی

جیویں ٹھنڈی سِل

چڑھیا چن آسمان تے

کنبن لگا دِل

# اپنے آپ نال گلاں

سُن نی کُٹئیے  
 رنگاں دیئے پُٹئیے  
 میں ٹر جاواں گا  
 مُڑکے نیں آواں گا  
 فیر پچھتائیں گی  
 ہس کے بلائیں گی  
 رو کے بلائیں گی  
 فیرومی نیں آواں گا  
 اُپے اسمان دا  
 تارا بن جاواں گا  
 دُور دُور رہواں گا  
 تے تینوں تر فاواں گا



## سفر دی رات

ورہے مینہ وچ ٹریا جانواں رات سی بوہت ای کالی  
اپنے ای پرچھانوے کولوں دل نوں ڈراون والی  
شاں شاں کرے رکھ پیل دے انھیاں کردیاں واواں  
اوس رات تے بوہتے لوکی بھل گئے گھر دیاں راہواں

## سوچن دی سزا

مرجاواں تے فیر کی ہوئے  
جیوندارواں تے فیر کی ہوئے

ایسی سوچ چ سال مہینے  
چُپ چُپ لنگھدے جانے نیں  
اکھ وچ پھر دیاں سب تصویراں  
لہو وچ رنگدے جانے نیں



## سوریلے

ہولی جی پھوڑا چھنکایا  
 پھونڈی دودھ کے مینوں جگایا  
 میں دیکھاں تے اکھ نہ ملاوے  
 چھدی چھری ہسدی چاوے

## تریچلتر

بھید نہیں کھلدا آخر کی لے  
 ایس کڑی دی چال  
 کلیاں ورگا رنگ لے جس دا  
 بدلاں ورگے وال  
 کلی ہووے تے انج ملدی  
 جیویں گورھے یار  
 جے کوئی نال سیلی ہووے  
 اکھاں نہ کردی چار

## اک کڑی

پیار کرن توں کافی پہلے

رکنی سوہنی لگدی سی

اپنے مرن توں کافی پہلے

رکنی سوہنی لگدی سی

## جین لئی جتن

دنیا دے وچ رہن لئی وی

کی کجھ کرنا پسند اے

اپنے ای لہو دیاں نہراں اندر

آپے ای ترنا پسند اے

راتاں نوں بوسے کھڑکاندی

وأتوں ڈرنا پسند اے

روز شام نوں نوں قبرتے

ہو کا بھڑنا پسند اے

## سوچ سامنے بند اکھاں وچ

اک سمندر، تیز گلابی  
اُپر چمکے چن  
پانی اُتے تر دا آوے  
کالے ناگ دا پھن  
اک دربار نظر نیں آندا  
بڑا ای عالی شان  
اوسدے اندر کوئی نیں وسدا  
کمرے نیں سنساں  
فیرومی دل وچ دھر کار ہندا  
پتہ نیں کس ویلے  
کوئی لٹیرا ایتھے آکے  
خون دی ہو لی کھیلے

## سُن

توں ہیں تے فیر میں وی ہاں  
میں جے نہ ہو ویاں  
میری طراں فیر کون ایس جگے  
سارے زہر فوں پیوے  
دل وچ بلدے بھانبرے کے  
ہس دیاں ہس دیاں جیوے



## کل دی گ

کل بیٹھا کچھ سوچ ریاساں  
گل اک گزے ویلے دی  
اپنے پنڈے پپلاں ہیٹھاں  
چھوٹی عید دے میلے دی

میں جیڑا مشور ہاں ایناں  
دل دے بھید لکا ون وچ  
غم دی تکھی چیک نوں گھٹ کے  
اپروں ہسدا جا ون وچ  
اوس پُرائے دن دے وچوں  
کر کے یاد اک موکے نوں  
زور وی لا کے روک نیں سکیا  
اپنے دل دے ہو کے نوں

## دستی عورت

گورٹھے دل، شوکدیاں واواں  
کالے کٹھن پہاڑ

ہندی ورگے لال بنگیے  
ہرے تھور دی وارٹ

ڈب کھڑا جسم اوسدا  
مکھڑا وانگ بہار



ہتھ دے اشارے نال بُداوے

پچیتے درگی نار

میرے لہودی بونے ادہنوں


دتا انج کھلار

جیویں دشمن دے ہتھاں وچ

پھڑی ہوئی تلوار

اکھاں سُن یا تیر قضا دے

چلن نوں تیار



دوہہ

مکھڑا پھل گلاب دا

تے چانن درگی اکھ

بدل چیت و ساکھ دا

ایس کڑی دا لک

## سَدھی جٹی گل

مرنا ای جے تفتدیراے اپنی

کیوں فیرا یس توں نیسے

کیوں فیرا یس نوں بھلن لئی

دنیا دے جال چ پھیسے

جھوٹے سچے یار بنا کے

دل دیاں گلاں دسیے

کیوں ناگھر وچ کلیاں بہہ کے

پاگلاں وانگوں ہسیے

## پُٹھیاں سَدھیاں سوچاں

ہن جے ملے تے روک کے پُچھاں

ویکھیا ای اپنا حال !

کتنے گئی اوہ رنگت تیری

سپاں ورگی چال

گلاں کر دیاں گنڈیاں اکھاں

وانال اڈدے وال

کتنے گیا اوہ ٹھاٹھاں مار دے

لہو دا اُنھاں زور

ساہواں ورگی گرم جوانی

لے گئے کپڑے چور

## شہر دے مکان

اپنے ای ڈر توں  
جڑے ہوئے نیں  
اک دُوبے دے نال

## لگیاں ہوئیاں چیزاں

چُپ چپیتے جنگلاں اندر  
پسیلاں پاندے مور  
رات نوں شہر دی گلی گلی وچ  
پھر دے کالے چور  
سدا ای ادھے ادھے رہندے  
ویکھوتے کک جان  
جے کوئی اینہاں نوں بھن نکلے  
پھڑیاں ہتھ نہ آن

## اک بہت پُرانا گیت

عورت دل میرا لیا اُمی تے دغا دے کے جاٹیں ناں  
نکا جیہا دل میرا دہماں دچ پائیں ناں

مرد پھڑیا اُمی ہتھ دس کیڑے پاسے ٹُٹے  
رستے اُچا نیواں اینویں گھبراٹیں ناں

عورت تینوں روک لین جے  
میںوں روک لین جے  
راواں چ دیری ہزار

مرد دنیا دا زور وی  
راواں دے چور وی  
روکن گے رستہ ہزار

عورت رواں گی میں ناں ناں  
وکیہیں چھڈ جاٹیں ناں

ٹُٹ نہیوں سکدے  
چھٹ نہیوں سکدے  
پتے نے قول قرار

مرد اک داری لاکے  
گل نوں ودھا کے  
بُھلیا نٹیں جاندا اے پیار

عورت دلاں دیاں ویریاں دے  
دھوکے دچ آٹیں ناں  
دل میرا لیا اُمی تے دغا دے کے جاٹیں ناں



## نویں رُت

ہلکی ہلکی ٹھنڈ چکنین

سدھراں گجھے پیار دیاں

راتان چیت بہار دیاں

لے کے آئیاں نال ہواواں

سُت سمندر پار دیاں

## پچیاں ورگیاں حرکتاں

رستے وچ جدوں ملی تے اوہ وی

چور اکھاں نال تکی سی

میرے وانگوں اک دوپل لئی

اگے ودھن توں جھکی سی

ایڈی وڈی گل وی نہیں سی

جسدے اتوں رُسے ساں

میں تے اوہ کوئی دو سالان توں

اک دوجے نال گئے ساں

## اک موقعے تے

ایڈیاں دُردی اکھاں دے وچ

ہنجو بھرن نہ دیواں

وَس چلے تے ایس جہان وچ

کسے نوں مرن نہ دیواں

## گیت

اساں مونہوں نہیوں کچھ کہنا  
 تے چُپ چُپ رہنا — وے مُنڈیا ہان دیا  
 راہے جاندیاں تیرے نال کھینا  
 تے چُپ چُپ رہنا — وے مُنڈیا ہان دیا  
 پتہ ہندا جے میں اکھ نہ ملاندی  
 بنا دیکھیاں کولوں دی لنگھ جاندی  
 اساں جگ دا الہمہ نہیوں لینا  
 تے چُپ چُپ رہنا — وے مُنڈیا ہان دیا  
 دُرنی آں مینوں کیٹری راہ لے جان دے  
 جھوٹا جہان تے دل بے ایمان دے  
 کاہنوں پٹھیاں دلیلاں وچ پیناں  
 تے چُپ چُپ رہنا — وے مُنڈیا ہان دیا

## جنگل دے جادو

سامنے ذخیرے دج  
 سب پیٹے شوکدے  
 پیٹے پیٹے کوکدے  
 ہرے ہرے رکھاں اوہلے  
 نگیاں چڑھیاں دیاں  
 اکھاں دے خماریں  
 اک اک چیز دیاں  
 شکلاں ہزاریں  
 ہرناں دی ڈاروی  
 تے سوراں دی قطاروی

موت دے تلاءاں اُتے  
 پھر دے شرکاروی  
 چاندی جیہاں بڑیاں  
 تے ہیراں دے ہاروی  
 ہرے ہرے رکھاں اوہلے  
 دلاں نوں ڈران گے  
 ذرا جیسے کھڑاک نال  
 ٹک چھپ جان گے  
 کدے کدے جادو دے  
 تماشے وی و خان گے



## جدوں جنگل وِچ ہوو

سُخردو پھرنوں جانڈیاں جانڈیاں  
 جے کوئی پچھوں بُلاوے  
 پچھے مُڑ کے کدے نہ دیکھو  
 لکھ اوہ منستاں پاوے

## ہوانال ٹکراں

اُپر قہر خدا میرے دا  
 ہیٹھاں لکھ بلاواں  
 سب راہواں تے موت کھلوتی  
 کیہڑے پاسے جاواں

## میرا اصل وجود

میراتے بس ایناں ای کجھ لے  
حصّہ اپنے آپ دے دج  
جتّاں رات دے سنن والے دا  
بھارے پیر دی چاپ دے دج

## پُرانیاں گلیاں

اُچیاں مکاناں دیاں رنگلیاں باریاں نیں  
رات دے شکاریاں نے زلفاں سنواریاں نیں  
رہندا اے زمین اُتے چن نال یاریاں نیں  
دل بے ایمان دیاں لمیاں اڈاریاں نیں

## اللہ دی مخلوق

اُچے اُچے محل بنا کے شیشیاں اوہلے ہسدے دی  
 اپنے دل دے بھید نہ وسدیاں واواں پیچھے نسدے دی  
 اوس خدا نے سب دے مقدر اکو رنگ چ رنگے نیں  
 جو دی نیں ایس دنیا اندر سارے لوکی چنگے نیں  
 اوہ دی جیہڑے رات نوں لک کے گھراں چ سناں لاندے نیں  
 اوہ دی جیہڑے اوہاں نوں پھر کے جیلاں دے جانے نیں

## اک بہادر دی موت



مثنوی



## اک بہادر دی موت

بہت پُرانا قصہ اے  
 جدوں ایسے بادشاہ ہندے سن  
 جگہ جگہ تے جان دے دشمن  
 راہواں کل کے ہندے سن  
 دن دیہاڑے اکھاں سامنے  
 شہرچ ڈاکے پندے سن  
 جھگو بھگی وحشی گھوڑے  
 سرپٹ دوڑدے رہندے سن  
 ننگیاں جہاں والے قیدی  
 ظلم دی اک ہندے سن  
 دل وچ سب جیاز ہر لکا کے

مونہوں کچھ نہیں کہندے سن  
 راتوں تہہ غائیاں اندر  
 عکراں مار دے رہندے سن

اوس زمانے میرے ہتھ وچ  
 جھنڈا سی سرداری دا  
 ترے سامنے کچھ وی نہیں سی  
 ددر ایس دھرتی ساری دا  
 سب سردار قبیلیاں دے  
 بس میرے ای کو لوں ڈر دے سن  
 جدھروں دی میں لنگھ جاندا ساں  
 سر اچا نہیں کر دے سن  
 اوسے ای ویلے دی ایہہ گل اے  
 جیہڑی ہُن سنائواں گا  
 بیٹے جگ دیاں قبراں اُتے  
 موت دا بگل و جانواں گا

کالیاں کشن پہاڑاں نوں دی  
بدلاں وانگ رو آئواں گا

کئی دناں توں اک قلعے نوں  
گھیرا پا کے بیٹھے ساں  
چاروں پاسے موت دی خوئی  
پھاہی لا کے بیٹھے ساں  
کالی رات سی ایسی جیڑی  
اکو واری آندی اے  
جیڑی آ کے سب دھرتی دیاں  
روشنیاں لے جاندی اے

اوس قلعے تے اک ایسا  
سردار حکومت کرداسی  
جس نوں بہت امی مان سی اپنا

موت توں دی نہیں ڈرداسی  
بڈھے دیلے دی اوس کولوں  
سارے لوکی کنبدے سن  
ڈردے ماریاں اوس قلعے دے  
کولوں دی نہیں لنگھدے سن

دسن دالیاں دیاسی  
کہ اوس دے کول اک ہیرا اے  
جس دیاں لس لس کر دیاں لاثاں  
اکھاں پاگل کر دیاں نہیں  
جس دی ہراک لہر دے اندر  
جھلکاں مور دے پر دیاں نہیں  
سارا سبب اوہ ہیرا بنیا  
ایس عجیب لڑائی دا  
جس دے وچوں جیوندا پکيا

کوئی دی لال نہ مائی دا

اوس رات جدوں میں قلعے دے  
اندر لک کے وڑیا ساں  
اپنے غنی ساتھی لے کے  
بُرجاں اُتے چڑھیا ساں  
تیر قضا دے مینہ دے دانگوں  
اوس قلعے تے دتے سُن  
اوہ گھمسان سی جس نوں سُن کے  
شیر دی بن ول نئے سُن

ایناں تے کجھ ہوش اے مینوں  
جدوں میں تھک کے ڈگیا ساں  
میریاں نظراں سامنے میرے  
سارے ساھتی مر گئے سُن

میری خاطر اپنے لوناں  
قلعے دیاں کندھاں بھر گئے سُن  
مردیاں مردیاں دشمنان دے دی  
ویہڑے مہجے کر گئے سُن  
ایناں تے کجھ ہوش اے مینوں  
اوس عجیب لڑائی دا  
سُفنے وانگوں یاد اے مینوں  
ایڈا قہر خدائی دا  
لہو والی تلوار نوں پھر کے  
مشکلاں نال میں اُٹھیا ساں  
جویں میں کسے موت دے مونہ توں  
طاقت لا کے چھٹیا ساں

”کوئی ہے ———

—————“



میں قلعے دے اندر  
 پاگلاں وانگوں گجیا ساں  
 لہو دے ایس تماشے کو لوں  
 ابے وی میں نہیں رہیا ساں  
 ادہ للکار سی میری جیویں  
 پر بت حوصلہ ہار دے نے  
 یاں شیراں دی چیک جیہڑی ادہ  
 مرن توں پہلے مار دے نہیں  
 کوئی جواب نہ آیا تے میں  
 ہولی ہولی مڑیا ساں  
 لاشاں کو لوں لنگھدا جاندا  
 اک رستے ول مڑیا ساں

گوڑھے لال عطر دی ایڈی  
 مہک چو فیر یوں آن دی سی

ہیرا سی یاں ڈبدا سورج  
 تاب نہیں مہلتی جاندی سی  
 کول اوسدے اک کڑی سی جسدا  
 مکھڑا جیوں کوئی موتی سی  
 تیر کمان نوں سدھا کر کے  
 مرداں وانگ کھلوتی سی

ادہ ویلا دی یاد اے مینوں  
 ہونی نے جدوں ٹھکیا سی  
 اوسدے ہتھوں تیر قصدا  
 میرے دل وچ لگی سی

کوہیں میں اوس دی لاش توں لنگھ کے  
 ہیرا چک لیا یا ساں  
 کوہیں میں ڈبڈے دل نوں پھر کے

اندروں نکل کے آیا ساں  
 اپنی اپنی خبر اے مینوں  
 اوس اخیرِی ویلے دی  
 ساہواں اُتے پرہ دیندی  
 اٹھی موت دے ویلے دی

دُورِ اسمان تے رب سی میرا  
 چار چو فیرے لاشاں سُن  
 میں ادہ جیہڑا آناں والے  
 سُر میاں دا پوتا ساں  
 اپنے موئے ہوئے ساہیاں دے وچ  
 پتھر وانگ کھلوتا ساں

---

# مینر نیازی دی شاعری بارے

مینر نیازی دی شاعری دا مجموعی جائزہ اک مختصر تحریر پرچ نیٹس لیا جاسکدا۔ ایس تحریر پرچ ادہری شاعری دی اک کتاب ”سفر دی رات“ بارے کجہ گلاں مقصود نیں۔ اگرچہ ”سفر دی رات“ نوں مینر نیازی دی شاعری دے مجموعی تناظر توں الگ کر کے نیٹس دیکھیا جاسکدا۔ مینر نیازی نے اپنی اردو تے پنجابی شاعری پرچ جنن ایسے نویں خطے دریافت کیتے جنہاں دل پرانیاں اکھاں نال نیٹس دیکھیا جاسکدا۔

مینر دی شاعری کائنات پرچ ہر چیز اک نویں امکان دی گواہی دیندی اے۔ بہتی پرچ نیستی دا امکان، معلوم پرچ نامعلوم دا امکان، حقیقت پرچ خواب دا امکان، مینر دی شاعری دا بنیادی ہجوامکتا دے ایس ٹکراؤ توں پیدا ہوندا اے۔ مینر واسفر کائنات پرچ انسانی انا دا سفر اے تے ایس سفر دی راہ پرچ لکھ بلاواں تے لکھ عذاب نیں۔ مینر دے نال سفر کر دے ہوئے ساریاں حساں نوں بیدار کرنا پیندا اے، کیوں جے ہواواں مینر نوں اک پل پرچ گواچیاں ہوئیاں تہذیبیاں، اُجڑیاں شہراں، دور دراز دے منظر تے اکھاں توں اوچل بستیاں دے راز دس کے تر جاندیاں نیں۔ اوہ اک پل پرچ ہزار منظر دیکھدا اے تے لکھاں آوازاں سُندا اے۔ کائنات دے پھیلے ہوئے منظر نامے پرچ کلم کلا آدم، مینر نیازی دے شاعری سفر دا نقطہ آغاز اے۔ چن، تاریاں، ہواواں، جنگلاں، اسماناں، زمیناں دے درمیان آدمی دی روح دا اکلپا ادہری شاعری پرچ جگہ جگہ نظر آوندا اے۔ مینر نے کلا آدم دی تنہائی توں لے کے آدمیاں دے درمیان اکلپے تک ہر قسم دی تنہائی دا تجربہ کیتا اے۔ انسانی انا دے ایس سفر دی راہ پرچ فطرت کتنے اک دشمن دی طراں حملہ کر دی اے تے کتنے اک پالتو جانور دی طراں پیر چٹ دی اے۔ تہاڈا جی پاسے ایس سفر دی تشریح یونگ۔ ایرخ نیومان تے جوزف کیپیل وغیرہ دے نظریات دی مدد توں کر سکدے او۔ ادہری شاعری پرچ لاشعور دے بنیادی ساپنیاں دا سراخ لگا سکدے او کیسی ایس شاعری نوں صرف اینہاں اصطلاحاں دے پرچ قید کرن دی کوشش صرف اک نصیاتی تے مکنتی قسم دا ذہن اسی



کر سکا اے۔ - میز نیازی دی شاعری دہجے اگے چل کے اکھپے دی دہشت نوں گھٹ کرن لئی دو دویے  
 سامنے آوندے نہیں۔ اک طرف تے اوہ فطرت دے حسن تے اوہرے جمل دے نال دوستی کروا اے۔ پیار،  
 جمل تارے اوہرے ساتھی بن جاندا ہے نہیں دوسری طرف اوہدی شاعری دہجے ابھری محبت (ETERNEL) دے  
 واکر وار سامنے آؤندا اے۔ جو چھڑی مرد دی ذات دا اک حصہ اے کیوں جے ایہ اوہدی پہلی چوں پیدا  
 ہوئی اے، انسانی شخصیت دی شعور تے جذبے دے وصل تے ہم آہنگی نال مکمل ہندی اے۔ -  
 نفسیات دہجے شعور دی نمائندگی مرد تے جذبے دی نمائندگی عورت کر دی اے۔ میز نیازی دی شاعری  
 دہجے ایس تعلق دیاں مختلف صورتاں ظاہر ہندیاں نہیں۔ عورت کدے تے دشمن دے ہتھاں دہجے پھر پی  
 ہوئی تواریں بن جاندا اے۔ کدے اوہ مرد نوں گھول کے پی جاندا اے، کدے اوہ اسن تے اوہرا  
 جمال گلاب، چاننی تے چیت و ساکھ دے بدل دی طراں متاثر کر دا اے۔ چھڑ پھار، دوستی، دشمنی،  
 اے سارے روپ میز دی شاعری دہجے موجود نہیں۔

میز دی شاعری دے مفہوم بارے رائج الوقت تنقیدی اصطلاحاں مدونیں دے سکدیاں  
 ”حقیقت پسندی“ ”واقفیت“ ”عاجزیت“ دے نصیابی معیار اوہرے لئی قابل قبول نیں۔ میز دی  
 شاعری دی حقیقت دا پھیلاؤ انسانیت دے ماضی حال تے مستقبل، تنہاں نوں محیط اے، ایس  
 شاعری دے دہجے ”خوف“ دے عنصر نوں ای لے لیو، ساڈے نقاداں کوں ایہدی بہت چھڑیاں  
 تفسیراں نہیں۔ حالانکہ ایس ”خوف“ دیاں جڑاں آدمیت دے اجتماعی تجربے دہجے گھڑیاں ہوئیاں  
 نہیں۔ پہلی گل تے ایہ دے کہ میز دی شاعری دہجے کائنات دا جلال تے اوہرا جمال دونوں روپ  
 نظر آوندے نہیں۔ اینہاں وچوں صرف اک رُخ نوں دیکھنا انصاف دی گل نیں۔ دوسرے  
 میز نیازی نے اپنے ”خوف“ توں لے کے پکے گھر بن توں پہلے بوہت پرانے ویلے انساناں  
 دے خوف تک اک سلسلہ دریافت کیتا اے۔ ”حال“ دی زندگی دہجے ایہ تجربہ ہندوستان دی تقسیم  
 دے ویلے دے فسادات دے نال منسلک اے، جیہدے وچوں میز نوں خود گزرنا پیا۔ میز  
 دی حیرانی داسبب ایہ امر اے کہ چٹے بھلے انسان یکایک چڑھیاں تے بھوتاں دہجے کیوں تبدیل  
 ہو گئے، آدمی دے اندر دا ڈراؤنا روپ کنہاں حالات دہجے باہر آندا اے؟ -



مینر نے اُجڑیاں شہراں، لاشاں بھرے جنگ دے میداناں، پُراے محلاں اندر ہندیاں  
 لڑائیاں، لہو پرچ ڈبیاں ہوئیاں کنڈاں تے شیراں وانگ ڈرانڈیاں رستیاں توں ننگھ کے  
 انسانی تقدیر دے بنیادی مسائل دی تفتیش کیتی اے۔ اوہنے عبرت دے بہت سارے منظر دی  
 دیکھے نہیں تے آون واسے موسماں دے خواب دی۔

مینر نیاز دی واسف رہے ختم نیں ہوئیا ایس لڑکے اوہنے جے آخر دیاں آوازاں دا دروازہ  
 کھولنا اے ایہہ دروازہ کھلن تک مینر واسف جاری رہے گا۔

سہیل احمد خاں

پنجاب یونیورسٹی، لاہور